



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda Dioecesis Paderbornensis Rituali Romano accommodata

Hermann Werner <Paderborn, Bischof>

Nevhsii, 1687

Benedictio Loci.

urn:nbn:de:hbz:466:1-36005

Benedictio Domorum in Sabbato sancto Paschæ.

Parochus, seu alius Sacerdos, superpelliceo & Stola alba indutus, cum ministro deferente vas aquæ, ex benedictione fontium, ante perfusionem Chrismatis, acceptæ, visitat domos suæ Parochiæ, aspergens eas aqua benedicta. Ingrediens Domum dicit.

Pax huic Domui : & omnibus habitantibus in ea.

Deinde aspergit loca præcipua domus & habitatores aqua benedicta dicens.

Vidi aquam egredientem de templo à latere dextro, alleluja. Et omnes, ad quos pervenit aqua ista, salvi facti sunt, alleluja, alleluja. Psalm. Confitemini Domino, quoniam bonus, quoniam in sæculum misericordia ejus. Gloria Patri &c.

Dein.

V. Ostende nobis Domine misericordiam tuam.

R. Et salutare tuum da nobis.

V. Domine exaudi orationem meam. R. & clamor &c.

V. Dominus vobiscum. R. Et cum spiritu tuo.

Oremus.

Exaudi nos, Domine sancte, Pater omnipotens, æterne Deus, & sicut domos hebræorum in exitu de Ægypto agni sanguine linitas (quod Pascha nostrum, in quo immolatus est Christus, figurabat) ab angelo percutiente custodisti; ita mittere digneris sanctum angelum tuum de cœlis, qui custodiat, protegat, visitet atq; defendat omnes habitantes in hoc habitaculo. Per eundem Christum Dominum nostrum, R. Amen.

Benedictio domorum alio tempore.

Si Sacerdos requiratur ad benedicendum domum infra annum, indutus superpelliceo & stola pro congruentia temporis. Ingressus Domum dicat.

Pax huic domui, & omnibus habitantibus in ea.

Dein aspergit domum & incolas dicens.

Asperges me Domine & mundabor, lavabis me, & super nivem dealabor. Misere mei Deus secundum magnam misericordiam tuam. Gloria Patri & Filio & Spiritui sancto. Sicut erat in principio, & nunc, & semper, & in sæcula sæculorum amen.

V. Domine exaudi orationem meam. R. & clamor &c.

V. Dominus vobiscum. R. & cum spiritu tuo.

Oremus.

Exaudi nos, Domine sancte, Pater omnipotens, æterne Deus, & mittere digneris sanctum angelum tuum de cœlis, qui custodiat, foveat, protegat, visitet atque defendat omnes habitantes in hoc habitaculo. Per Christum dominum nostrum, R. Amen.

Benedictio Loci

V. Adjutorium nostrum in nomine Domini. R. Qui fecit.

V. Domine exaudi orationem meam. R. & clamor &c.

V. Dominus vobiscum. R. & cum spiritu tuo.

Oremus.

Benedic Domine Deus omnipotens locum istum, ut sit in eo sanitas, castitas, victoria, virtus, humilitas, bonitas, & mansuetudo, plenitudo legis & gra-

& gratiarum actio deo Patri & Filio, & Spiritui sancto, & hæc benedictio maneat super hunc locum, & super habitantes in eo, nunc & semper. **R.** Amen.

Aspergatur aqua benedicta.

Benedictio Domus novæ.

V. Adjutorium nostrum &c. **R.** Qui fecit cœlum & terram.

V. dominus vobiscum. **R.** & cum spiritu tuo.

Oremus.

TE Deum Patrem omnipotentem suppliciter exoramus, pro hac domo, & habitatoribus ejus, ac rebus: ut eam benedicere & sanctificare, ac bonis omnibus ampliari digneris: tribue eis domine de rore Cœli abundantiam, & de pinguedine terræ vitæ substantiam, & desideria voti eorum ad effectum tuæ miserationis perducas. Ad introitum ergo nostrum benedicere & sanctificare digneris hanc domum, sicut benedicere dignatus es domum Abraham, Isaac, & Jacob: & intra parietes domus istius angeli tuæ lucis inhabitent, eamq; & ejus habitatores custodiant. Per Christum dominum nostrum. **R.** Amen.

Deinde aspergitur aqua benedicta.

Benedictio Thalami.

V. Adjutorium &c. **R.** Qui fecit cœlum & terram.

V. dominus vobiscum. **R.** & cum spiritu tuo.

Oremus.

Benedic domine Thalamum hunc, ut omnes habitantes in eo in tua pace consistant, & in tua voluntate permaneant, & senescant, & multiplicentur in longitudine dierum, & ad regna Cœlorum perveniant. Per Christum dominum nostrum. **R.** Amen.

Aspergatur Thalamus aqua benedicta.

Benedictio Communis super fruges.

V. Adjutorium &c. domine exaudi orationem meam &c.

V. dominus vobiscum. **R.** & cum spiritu tuo.

Oremus.

O Ramus pietatem tuam omnipotens Deus, ut has primitias creaturæ tuæ, quas aëris, & pluvie temperamento nutrire dignatus es, benedictionis tuæ imbre perfundas, & fructus terræ tuæ usque ad maturitatem perducas. Tribuas quoque populo tuo de tuis muneribus tibi semper gratias agere, ut à sterilitate terræ esurientium animas bonis affluentibus repleas, & egenus & pauper laudent nomen gloriæ tuæ. Per Christum dominum nostrum.

R. Amen.

Aspergat illas aqua benedicta.

Benedictio agni Paschalis.

V. Adjutorium &c. dominus vobiscum.

Oremus.

Deus, qui per famulum tuum moysen in liberatione populi tui de Ægypto, agnum occidi jussisti, in similitudinem domini nostri Jesu Christi, & u-

G

trosq;